

保嬰撮要

保嬰撮要卷十三 續集

薛氏醫按

吳郡薛 已著

江都吳中珩校

喉痺

一附五臟虛羸傳變喉間內潰或鼻中垂出息肉或鼻外患瘡

一小兒喉痺因膏梁積熱或稟賦有熱或乳母七情之火飲食之毒當分其邪蓄表裡與症之輕重經之所主而治之若左腮色青赤者用膽經風熱也用柴胡梔子散右腮色赤者肺經有熱也用瀉白散額間色赤者心與小腸經熱也用導赤散若兼青色風熱相搏也用加味逍遙散鼻間色黃脾胃經有熱也用

瀉黃散若兼青色木乘土位也用加味逍遙散兼赤
色心傳土位也用柴胡梔子散顏問色赤腎經有熱
也用地黃丸凡此積熱內蘊二便不通者當踈利之
風邪外客而發寒熱者當發散之外感風邪大便閉
結煩渴痰盛者當內踈外解若因乳母恚怒肝火者母服加味
母服東垣清胃散若因乳母恚怒肝火者母服加味
逍遙散稟賦陰虛者兒服地黃丸大槩當用輕和之
劑以治其本切不可用峻利之藥以傷真氣也

一小兒喉間腫痛驚悸飲水服驚風降火之藥益甚
仍欲攻風痰余曰驚悸飲水心經虛症也蓋胃爲五

臟之本先用五味異功散以補胃加桔梗甘草以消
毒諸症頓退後用牛蒡子湯加柴胡而愈

一小兒喉間腫痛左腮色青赤此心肝二經之熱也
用柴胡清肝散而愈後因驚服至寶丹吐痰發搐手
足指冷此肝木虛而肺金乘之用補中益氣湯以補
脾肺六味地黄丸以滋肝腎而痊

一小兒發熱飲冷大便黃色手足竝熱不能吮乳視
口內無患捫其喉間則哭此喉內作痛乃脾胃實熱
也用瀉黃清胃二散各一劑母子竝服而愈後因乳
母飲酒兒躁不安口內流涎仍用前二散而愈

一小兒喉間腫痛口角流涎手足並熱用瀉黃清胃
二散母子服之而愈後因母大怒兒憎寒發熱仍復
流涎用柴胡清肝散加漏蘆母子服之而愈

一小兒喉間腫痛發熱咳嗽大便秘結此肺與大腸
有熱也先用牛蒡子湯加硝黃一服大便隨通乃去
消黃再劑頃愈審其母有肝火發熱用柴胡清肝散
母子並服而痊

一小兒嗜膏粱之味喉間腫痛痰涎壅盛服巴豆丸
前症益甚口鼻出血唇舌生瘡大便不實余用犀角
地黃湯解膏粱之熱用東垣安胃散解巴豆之毒又

用甘桔湯而愈

一小兒喉腫作渴大便乾實右腮赤色此肺與人腸經實熱也用柴胡飲子一服而愈後因飲食停滯服峻厲之藥喉間仍腫腹中脹痛此脾氣復傷也用異功散加升麻當歸而痊

一小兒因母忿怒患前症兼咬牙可欠余謂肝經虛熱之症子用甘桔湯加柴胡山梔牛蒡子母服加味逍遙散而愈

一小兒肌體瘦弱嗜土炭煤灰後鼻間不利恪服清熱之劑肌體愈瘦食少熱甚善驚善怒小便良久變

白鼻中出息肉二寸許耳下頸間結小核隱於筋肉之間余謂肝脾虛羸之變症不信乃內清肺火外用腐蝕喉間亦腐余先用五味異功散加升麻柴胡蕪荑爲主更用四味肥兒丸爲佐脾氣漸健夕用九味蘆薈丸爲主以五味異功散爲佐而愈

一女子六歲喉間腫痛鼻中息肉寒熱往來小便頻數良久變白此肝疳之症先用加味逍遙散加炒黑焦龍膽草熱痒漸退乃去龍膽草佐以四味肥兒丸而愈

一女子七歲鼻生息肉搽攻毒之藥成瘡腫痛外以

黃連甘草黃栢末付之以解熱毒更以加味逍遙散清肝火佐以四味肥兒丸而愈

一女子鼻中及下部常出息肉屢用毒藥蝕之各挺出一條三寸許先與龍膽草湯爲主以加味逍遙散爲佐而愈

一小兒額間赤足心熱喉中常痛服清胃敗毒之藥余謂稟腎水不足而心火熾甚也當用地黃丸壯水之主以制陽光不悟口舌赤烈小便如淋而歿

一女子十四歲患前症雜用清熱敗毒等藥前症益更患陰挺詳見下疳瘡

牛蒡子湯 治風熱上壅咽喉腫痛或生乳蛾

牛蒡子炒并 玄參 升麻

桔梗炒 犀角鎊 黃芩

木通 甘草各等分

右每服一二錢水煎服

拔萃桔梗湯 治熱腫喉痺

桔梗炒 甘草炒 連翹

梔子炒 薄荷 黃芩各等分

右為末每服一二錢水煎服

柴胡飲 解肌熱積熱或汗後餘熱脉洪實弦數大

便堅實者

黃芩 七分

甘草 四分

大黃 八分

芍藥 七分

柴胡

人參 各五分

當歸 一錢

右每服一錢薑水煎

東垣人參安胃散治脾胃虛熱口舌生瘡或傷熱乳

食嘔吐瀉痢

人參 一錢

黃芪 錢三

生甘草

炙甘草 各五分

白芍藥 七分

白茯苓 四分

陳皮 三分

蒼朮 二分

右為末每服二錢水煎

三因玉鑰匙治風熱喉閉及癰疾

焰硝半一兩

鵬硝半一兩

犀腦一字

白殭蠶一錢

右研勻用半錢吹入喉中立愈

九味蘆薈丸治肝經積熱咽喉口舌生瘡或牙齦蝕

爛兩目生翳耳中出水或肝積癰瘰下疳陰腫或

莖出白津拗中結核或小便臭久變白大便不調

肢體消瘦等症

胡黃連

宜黃連

麝香

木香

白蕪蘘

炒

青皮

白雷丸

鶴虱草

各一兩

麝香 三錢

右各另為末米糊丸麻子大每服半錢空心米湯下仍量兒大小用

甘桔湯治風熱上攻咽喉疼痛及喉痺妨悶

苦梗 一兩

甘草

炒二兩

右每服二錢水煎

濟生犀角地黃湯治膏梁積毒脾胃有熱喉咽腫痛

或口舌生瘡

犀角

牡丹皮

各一兩

生地黄

八錢

本草綱目卷十三

六

赤芍藥 十錢

右每服一二錢 水煎

五味異功散 方見敗毒之藥

六味地黄丸 方見作渴不止

柴胡清肝散 方見脇癰即柴胡梔子散

補中益氣湯 方見肌肉不生

瀉黃散 方見頭面瘡

腮癰 二附耳症

腮屬足陽明胃經其生癰者多因兒食甘甜味脾胃積熱所致亦有乳母鬱怒兒受其患者若因熱積

於內二便不通者用涼膈散風邪相搏二便如常者
用漏蘆湯胃經風熱或兼咽喉腫痛用升麻防風湯
若稟賦陰虛火動頰間或兩耳內生瘡或出膿不止
者宜用地黃丸若因乳母肝火乘脾用加味逍遙散
脾經鬱熱用加味歸脾湯膏粱積熱用東垣清胃散
脾胃風熱用清咽利膈湯仍叅口瘡治之

一小兒腮腫肉色不變大便不實屬胃經虛熱用五
味異功散加升麻柴胡而愈又乳母飲酒兼怒兩腮
赤腫憎寒發熱用加味清胃散二劑加味逍遙散一
劑治其母兒亦飲數滴而愈

一小兒嗜炙煨腮腫發熱作渴飲冷用加味清胃散而消後仍不戒厚味腮腫赤痛歛連舌本先用瀉黃散而退次用加味清胃散而消

一小兒腮患瘡作渴飲湯飲食少思服敗毒散益甚余謂此胃經虛熱先用七味白朮散次用五味異功散而渴止後因母怒兩腮赤腫作渴發熱用加味逍遙散治其母兒患亦愈

一小兒十六歲腮患此二年不愈色黯下疳此胃經症也宜滋化源以生腎水外散寒邪以接陽氣不信妄用雜方元氣益虛七惡蜂起始信余言後用前藥

果驗

一小兒頰腫敷寒涼之藥色白腫硬久而不愈此胃氣虛而寒邪凝滯也用葱熨法以散寒邪異功散以助元氣遂愈若用攻毒之劑則誤矣

一小兒酷嗜甘味藥餌惟甘者乃服後患腮腫余知其胃症也經曰酸能勝甘當用酸味之藥遂以烏梅肉作丸甘草末爲衣服至二兩許始惡甘味腮腫漸消

一小兒腮腫痛外敷鐵箍散內服寒涼藥日久堅硬其色不變夫藥之寒涼者外敷則氣色凝滯內服則

脾胃有傷故氣血有虧而肉不潰色不赤也用四君子加柴胡升麻白芷當歸外散寒邪內補脾氣更用葱熨法不數日膿潰而愈

一小兒顛頽常燉腫服清熱敗毒之藥更口渴足熱面色微黑余謂腎疝症用六味地黃丸與子服母服加味逍遙散而愈後因別服伐肝之藥前症復作寒熱面青小便頻數此肝火血燥耳用柴胡梔子散以清肝六味地黃丸以滋腎遂痊

一小兒顛頽腫痛後耳內出膿久而不愈視其母兩臉青黃屬鬱怒所致朝用加味歸脾湯夕用加味逍

遙散母子皆愈

一小兒顛間發熱手足竝熱用清胃瀉黃二散而愈
後頰間腫痛炊連耳內余謂此腎經所屬之地不信
雜用降火之藥耳出膿水或痒或痛稍加用心卽發
熱倦怠兩腿乏力用補中益氣湯及六味地黃丸稍
愈畢姻後朝寒暮熱形氣倦怠足心發熱氣喘唾痰
仍用前二藥佐以六君子湯而愈後不守禁惡寒發
熱頭運唾痰余謂腎虛不能攝水而爲痰清氣不能
上升而頭運陽氣不能護守肌膚而寒熱遂用補中
益氣湯各加蔓荊子附子各一錢不應乃用人參一

兩附子二錢二劑而應乃用十全大補湯百餘劑而痊

一小兒先頰間腫痛用敗毒之藥耳中流膿項間結核兩口或連劄或赤痛小便或作痒或赤澁皆肝膽二經風熱用四味肥兒丸悉愈

一小兒頰腫痛服敗毒藥後耳出穢水余謂肝腎之症先用九味蘆薈丸而痊畢姻後面黃發熱用黃栢知母等藥更胸膈痞滿食少痰壅乃利氣化痰加噫氣下氣用六君子補中益氣二湯加乾薑木香尋

愈

異功散

方見用敗毒之藥

地黃丸

方見作渴不止

神効葱熨法

方見流注

仙方活命飲

方見瘡瘍熱毒

臂癰

臂癰之症當分經絡所屬受症之因而治之上廉屬

手陽明經下廉屬手太陽經外廉屬手少陽經內廉

屬手厥陰經內之上廉屬手太陰經內之下廉屬手

少陰經或經絡熱鬱風邪外干氣血有乖即生癰毒

若因心經有熱者導赤散加黃連心胞絡有熱者柴

胡梔子散肺經有熱者瀉白散大腸經有熱者大連翹飲燼腫作痛者氣血凝結也用仙方活命飲腫痛不消者欲作膿也用托裡消毒散膿熟不出者氣血虛也用托裡消毒散膿出反痛者氣血虛甚也肌肉不生者脾胃氣虛也用五味異功散不可外傳生肌散恐反助其邪而肌肉難長也

一 小兒臂上生癰腫連肘間此屬手少陰三焦二經先用仙方活命飲殺其大勢次用柴胡清肝散以清心肝之熱諸症頓退又用托裡消毒散出膿而愈

一 小兒臂外側患毒此屬肺經部分先用神効解毒

散加桔梗二劑腫痛頓減次用托裡消毒散而膿潰
將愈因母食炙博之味患處復腫兼發熱咳嗽子服
瀉白散母服清胃散而痊

一小兒臂腕漫腫敷寒涼藥又常以冷水潤之腫熱
胤上至肩兩月餘而潰四月餘不斂膿出清稀面色
痿黃余曰此氣血虛不能充榮於肌肉也先用異功
散加升麻柴胡脾胃漸健又用托裡散而愈

一小兒臂患癰久不愈手足時冷用異功散加木香
佐以八珍湯手足溫和乃用托裡散將斂因飲食停
滯傷脾患處腫硬用六君木香及托裡散而愈

一小兒臀癰久不愈潰出碎骨飲食少思不時寒熱
膿水清稀此氣血俱虛也用八珍散加肉桂桔梗漸
消又用托裡散加肉桂及豆豉而愈

一小兒臂膊赤腫發熱作渴飲冷症屬胃火先用加
味清胃散而愈後因母食厚味復腫痛先用瀉黃散
二服再用清胃散母子服之竝愈

一女子臂瘡腫焮作痛用拙方活命飲痛止成膿用
加味八珍湯而膿潰漸斂用加味逍遙散與母服而
痊

一小兒因母食膏粱臂瘡潰而作痛脉洪數有力用

消胃散與母服子服瀉黃散漸愈又用加味道遙散
母子俱服而愈

一 小兒臂瘡服敗毒散嘔吐腹脹作痛手足竝冷用
六君薑桂諸症漸退飲食漸進次用五味異功散而
愈

一 小兒臂癰腫硬色白寒熱倦怠此血氣虛弱而不
能潰散先用五味異功散加乾薑其腫漸退飲食漸
進又用托裡散如聖餅膿潰而愈

一 小兒臂患癰腫硬不消食少自汗此脾肺氣虛而
不能潰先用六君子湯而汗止乃佐以葱熨法而膿

成又用八環湯而膿潰用托裡散而瘡斂

一小兒臂患瘡敷寒涼之藥腫硬不消用補中益氣湯加木香薄桂及如聖餅助其陽氣而消

一小兒臂患瘡腫硬作嘔面色痿黃飲食少思此脾氣虛也用六君子湯嘔止食進又用五味異功散如聖餅而消

一小兒臂瘡作痛不止肌肉不生先用托裡消毒散而痛止用五味異功散托裡散而肉生

一小兒臂患瘡久而不斂肌肉消瘦日晡體熱此脾氣虛而不能生肌肉也朝用補中益氣湯夕用五味

異功散諸症漸愈又用托裡散如聖餅而愈

一小兒臂瘡腫痛焮赤右頤赤色傳服皆敗毒之藥

余謂此肺胃二經之症也當用瀉黃瀉白二散主之

不信恪用前藥泛擾諸經虛症蜂起而歿

神效解毒散治一切瘡瘍初起腫者即消已潰仍腫

者即散已潰毒不解者即愈

金銀花

一劑

甘草節

五錢

黃芪

皂角刺

炒

當歸

各三錢

乳香

沒藥

各二錢

右為散每服二錢酒煎溫酒調服亦可嬰兒病乳

母亦服如瘡已潰腫痛已止者去乳沒金銀花倍加黃芪甘草

白芷升麻湯治手明陽經分臂上生瘡

白芷

升麻

桔梗

各一錢

黃芪炒

黃芩

酒炒各二錢

生黃芩

五分

紅花

甘草

炙各五分

右水酒半鍾煎食後溫服

瀉白散治肺經有熱生瘡又化痰止漱治氣進食

地骨皮

桑白皮

炒各一兩

甘草

炙五錢

右為末每服一二錢入粳米百粒水煎

瀉心散治心經實熱生瘡作渴發熱飲冷手足竝熱者

詳見心臟瀉心湯

導赤散治小腸實熱生瘡作渴發熱小便秘赤

生地黃

木通

甘草等分

右為末每服一錢入淡竹葉水煎

大連翹飲即大連翹湯治肺熱生瘡

連翹

麴麥

荆芥

木通

赤芍藥

當歸

防風

柴胡

滑石

蟬殼

甘草炒

山梔子

黃芩 各等分

右為末每服二錢加紫草水煎服之大便不通

加大黃

補中益氣湯 方見肌肉不生

加味逍遙散 大數時

六味地黃丸 二方見發熱不止

十全大補湯 方見便癰

四味肥兒丸 方見貼骨癰

九味蘆薈丸 方見喉痺

柴胡梔子散 方見腹癰

東垣清胃散 方見腹癰

五味異功散 方見敗毒之藥

托裡消毒散

托裡散 二方見熱毒瘡瘍

腋癰 三謂癰生於脇之前膚之傍白者五下皆是也

腋癰屬足少陽手少陰手厥陰三經小兒患之多稟

賦肝火所致初起先用活命飲次用柴胡梔子散五

七日間作膿焮腫作痛者亦用活命飲殺其大勢雖

潰亦輕而易斂若膿已成用托裡消毒散已出用托

裡散如有變症當隨症治之

一小兒患前症腫痛用仙方活命飲而痛止用托裡
消毒散而潰因母飲酒復加腫痛母服清胃散兒服
活命飲托裡散而愈

一小兒患之因乳母恚怒所致子用仙方活命飲母
用柴胡梔子散加味逍遙散竝愈後復患令母仍服
前藥子服托裡消毒散而膿潰用托裡散而斂

一小兒腋下常患一枚此稟肝膽怒火也用牛黃解
毒丸母服柴胡梔子散逍遙散而愈後每發卽服前
藥而愈或用荆防敗毒散外敷鐵箍散以杜後患幾

至不救

一小兒十四歲患之內外皆用寒涼敗毒之藥腫硬作痛上連肩髀膿成不潰或用針之膿仍不出余曰此氣血虛甚當峻補之不信半載後肩骨潰解惟皮相連瀝盡氣血而歿

一小兒患之恪服敗毒之藥久不潰色不變腫硬如石余用葱熨之法及托裡散二十餘劑患處微赤作痛又數劑腫起針出穢膿氣息淹淹用人參一兩乾薑一錢棗子十枚四劑仍用前散尋愈

一小兒患之膿內潰久不出色不變亦不痛余謂氣血虛甚當峻大補而用火針不信或用冷針膿果不

出更氣喘自汗余用獨參湯二劑喘汗少止膿仍未
出又二劑膿出甚多喘汗大作又用前湯四劑諸症
悉退乃用八瓊湯漸愈後因傷風咳嗽誤用表散之
藥煩躁自汗面目赤色脉洪大無倫按之如無此血
脫發躁也先用當歸補血湯諸症頓愈再用八瓊湯
而安又飲食過多發厥手足竝冷用五味異功散加
升麻柴胡生薑一劑而愈

一小兒患之色黯不斂三年不愈用十全大補湯及
豆豉餅三月餘將愈後勞倦怒氣腋下腫痛以加味
逍遙散十全大補湯相間服之月餘而愈

豆豉餅治瘡瘍腫痛硬而不潰及潰而不斂并一切
頑瘡惡瘡用江西豆豉為末唾津和成餅大如銅
錢厚如三四錢置患處以艾壯於餅上灸之灸乾
則再易如瘡大作大餅覆患處以艾鋪餅上灸之
未成者即消已成者祛毒間有不効者乃氣血虛
敗之症也叅疔瘡類灸法用之 方見

四物湯治瘡瘍血虛發熱日晡益甚或煩躁不寐

當歸

熟地黄

各二錢

芍藥

炒

川芎

各一錢

右水煎服

參朮柴苓湯治瘡瘍脾氣虛弱肝氣內動肢體抽動

者

人參

白朮

茯苓

陳皮

各一錢

山梔

炒

釣藤鈎子

各七

甘草

炒五分

柴胡

升麻

各二分

每服一二錢薑棗水煎嬰兒用大劑與母服子少

服之

黃連安神丸治心經血熱發熱驚悸不安

黃連

五分

生甘草

二分

生地黄

五錢

當歸

硃砂

三錢

右為末飯糊丸小豆大每服十五丸滾湯下如三

三服不應當服歸脾湯嬰兒乳母並服

柴胡梔子散

方見脇癰一名柴胡清肝湯

托裡消毒散

托裡散

二方見熱毒瘡瘍

清胃散

方見腹癰

加味道遙散

方見發熱不止

牛黃解毒丸

方見胎毒瘡疥

十全大補湯

方見便癰

脇癰

五

脇肋者足厥陰少陽之經相火之司也乃木之王肝
膽之氣不平則風火內搏榮逆血鬱熱聚爲膿而癰
腫之所由生也亦有稟賦母氣肝膽之熱恚怒之火
而致然初患焮腫作痛者宜用柴胡梔子散未消者
用仙方活命飲其熱既殺而腫不消者則必成膿也
乃用托裡消毒散其膿既成以代針膏決之仍用托
裏散自愈若膿出而痛止腫消則不必用藥也

小兒四歲脇間漫腫一塊甚痛色如故服流氣敗
毒等藥加寒熱作嘔食少作瀉此稟肝脾氣滯之症
元氣復傷而甚耳乃擇乳母氣血壯盛者與加味歸

脾湯加味道遙散服之兒飲其乳半載而消

一小兒左脇生瘡寒熱作嘔右關脉弦數此肝症傳
於脾也先用柴胡清肝散次用五味異功散又用托
裏散瘡斂而愈其時同患是症專用敗毒者俱致不
起

一小兒左脇下生瘡漫腫色赤此肝膽經形傷氣也
先用托裏散消毒散加味小柴胡湯間服腫痛漸減
又用托裏消毒散加味小柴胡湯瘡潰而愈

一小兒四歲患脇癰色赤腫痛肝脉弦而遲此肝膽
經血虛有熱先用加味道遙散數劑大勢已消中間

成膿又用托裏消毒散加柴胡山梔膿潰而斂

一小兒肩患癰痛甚腫至背乃膀胱經部分血瘀滯也先用仙方活命飲毒解痛止又用加味小柴胡湯加連翹山梔金銀花其勢漸退乃用加味逍遙散加金銀花黃芪漫腫悉消但中間不退此欲作膿也用托裏消毒散膿成而潰又用托裏散地黃丸補血氣滋腎水而痊

一小兒患之久不愈左關脉弦數右尺脉按之而弱此稟腎虛而然也用地黃丸爲主佐以八珍湯托裏散而愈

一小兒木暮脇間赤腫此稟肝火所致用加味道遙
散數劑與母服子日服數匙漫腫悉退佐以托裏消
毒散加山梔柴胡瘡潰而愈後因母恚怒勞役子脇
復腫赤用加味道遙散加味歸脾湯母子服之並愈
一小兒脇癰服伐脾之藥膿清不斂呵欠咬牙飲食
少思仍欲伐脾余曰此脾虛之症也胃爲五臟之主
當補脾胃則肝不侮而肌肉自生矣不信乃伐肝木
遂致不救

加味歸脾湯治小兒因乳母憂思鬱怒胸脇作痛或
肝脾經分患瘡瘍之症或寒熱驚悸無寐或便血

盜汗瘡口不斂等症

人參

黃芪炒

茯苓

去木各一兩

甘草炒

白朮炒一兩

木香

五分

遠志去心

酸棗仁

龍眼肉

當歸

牡丹皮

山梔

炒各一錢

右水煎乳母服兒亦服之

小柴胡湯治肝膽經分一切瘡瘍發熱潮熱或飲食

少思加山梔牡丹皮各加味小柴胡湯

柴胡一錢五分

人參五分

黃芩七分

半夏五分

甘草炒三分

右作二三服薑棗水煎

柴胡清肝散治肝經風熱或乳母怒火患一切瘡瘍

柴胡

黃芩炒

人參

川芎

各一錢

山梔

炒各一錢五分

連翹

甘草

各五分

桔梗

炒八分

右水煎母子服之

梔子清肝散

一名梔子柴胡散

治三焦及足少陽經風熱生

瘡或發熱耳内生瘡作痒或出水疼痛

柴胡

梔子炒

牡丹皮

茯苓

川芎

芍藥炒

當歸

牛蒡子

炒各七分

甘草

三分

右水煎母子並服

龍膽瀉肝湯治肝膽經有熱小腹脇間患瘡瘍或玉

莖便毒懸癰囊癰腫痛或潰爛作痛小便澀滯或

翠丸懸掛

方見下疳陰痿

加味逍遙散治小兒肝脾血虛內熱脇腹作痛頭目

昏黑怔忡頰赤口燥咽乾或發熱盜汗食少不寐

或口舌生瘡胸乳膨脹小便不利或女子患前症

經候不調發熱咳嗽寒熱往來等症

方見發熱不止

六味地黃丸治肝經血虛發熱或風客滯氣癭瘰結

核或四肢發搐眼目抽動痰涎上湧或傷損出血

發熱抽搐等症 方見作 河不止

仙方活命飲

托裏消毒散

托裏散 三方見熱毒瘡瘍

八珍湯 方見發熱不止

腹癰 六

腹癰者患於臍下或傍二寸許屬脾經近脇屬膽經
蓋因脾經陰虛氣滯血凝或因脾虛飲食積熱所患
若焮腫作痛者瀉黃散堅硬腫痛者清胃散腫痛便

詳氏醫案
子思錄卷十三
二三

秘者清涼飲如此而仍痛者瘀血凝滯也活命飲既
用此藥而不消則內欲作膿也用托裏消毒散若膿
出而痛不減者毒未解也亦用前藥若膿出而反加
痛及膿水清稀者氣血虛也用參芪托裏散若食少
體倦者脾氣虛也用五味異功散加當歸柴胡升麻
晡熱內熱者脾血虛也用四君當歸丹皮如有他症
當隨症治之

一 小兒患此漫腫微痛肉色不變面色痿黃飲食少
思此脾氣虛而食積內熱也用五味異功散加升麻
當歸及如聖餅其腫漸消又用托裏散而愈

一 小兒患此腫痛寒熱活命飲末二服腫痛頓止
托裏散如聖餅而腫漸消又用神効散及托裏消毒
散數劑而痊

一 小兒患之內潰作渴飲食少思屈元氣虛弱先用
托裏消毒散四劑膿潰而發熱惡寒肢體倦怠此邪
氣去而真氣虛也用八珍升麻補之稍愈又用托裏
散異功散間服而痊

一 小兒腹瘡大便秘結發熱飲冷此熱蓄於裏也用
內疎黃連湯一劑大便通而痛止又用清熱消毒散
內熱退而瘡愈

一小兒腹患瘡敷寒涼之藥其腫益甚腹中陰痛手足竝冷此陽氣虛寒之症也余用回陽湯抑陰散而腫漸消毒漸散又用托裏散而斂

一小兒患此膿成不潰面色黃白惡心少食發熱惡寒大便不實此脾胃虛弱也先用六君升麻柴胡諸症漸退飲食漸進又朝用益氣湯夕用異功散而潰又用八珍湯而愈

一小兒腹中作痛肉色不變三月矣診其脉滑數而有力此腹癰內潰也用托裏散大便出膿甚多乃用意苡仁湯及托裏散而愈

一小兒小腹赤腫脹流氣敗毒等藥肉色如故食少
體倦余謂此肝脾氣血虛而藥傷之也用六君肉桂
及葱熨之法飲食漸進其腫漸消又佐以八珍湯而
愈

一小兒患此而潰腫不消恪服敗毒之藥飲食少思
膿清發熱余謂脾胃之氣復傷不信仍行氣清熱腫
痛益甚服消導化痰之藥腹脹作瀉余先用異功散
加升麻柴胡木香佐以二神丸二十餘劑諸症漸愈
乃用異功散加當歸黃芪元氣漸復却用八珍湯內
芍藥炒黃蘗數劑改用托裏散而愈次年因勞心發熱

作渴用當歸補血湯而安畢姻後寒熱往來患處作
痒用十全大補湯六味地黄丸而愈

四君子湯

加陳皮半夏
即六君子湯

治脾胃虛弱或因寒涼傷胃

致腫不能消或潰而不能斂者但以此藥溫補脾
胃諸症自退如誤用攻伐則七惡隨至矣若脾胃

氣虛瘡口出血或吐血便血則加當歸脾胃充健

則血自歸經若脾虛血弱不生肌或晡熱內熱者

更加熟地黄不可投四物沉陰之劑能傷脾胃也

若胃氣虛弱剋伐傷脾飲食少思或食而難化若

作嘔作泄者尤宜用之如兼痰嗽氣逆肢體倦怠

面目浮腫者亦因脾虛不能生肺而然也最宜用之

人參

白朮炒

茯苓

甘草

各等分

右每服二錢薑棗水煎

清胃散

治脾胃有熱生瘡或胃火牙痛或連頭面

升麻

五分

生地黄

牡丹皮

黃連

炒

當歸

各二分

右水煎服加柴胡山梔即加味清胃散

六君子湯治瘡瘍脾胃虛弱腫痛不消或不潰斂宜

一用此藥以壯營氣諸症自愈卽四君加半夏陳皮
清涼飲治瘡瘍脾胃實熱煩躁飲食焮痛脉實大便
秘結小便赤澁

赤芍藥

當歸

甘草

大黃各等分

右每服一錢水煎

當歸補血湯治瘡瘍肌熱面赤煩渴脉洪大而虛重

按全無此血虛脉也誤服白虎湯必死方是發熱不止

益氣養榮湯治氣血損傷四肢頸項等處患腫不問

堅軟赤白痛否日晡發熱或潰而不斂者方見鶴膝風

十全大補湯治諸瘡血氣虛不能潰腐收斂或膿出
發熱惡寒汗出煩眩口眼歪斜或肌瘦少食發熱
口乾等症須多服為善

方見便離

參芪托裏散

補中益氣湯

方見肌肉不生

托裏消毒散

托裏散

二方見熱毒瘡癰

五味異功散

方見用敗毒之藥

如聖餅

方見流注

神功散

方見胎毒發丹

八珍湯

方見發熱不止

腎癰

七

腎癰屬膀胱經濕熱或稟賦陰虛若腫硬作痛用內托羗活湯微腫微痛用托裏消毒散若初起大痛或五日之間似消不消似潰不潰者先用仙方活命飲後用托裏消毒散若已潰食少體倦瘡不生肌脾胃虛弱者用五味異功散加柴胡升麻稟賦陰虛小便數而不斂者加減八味丸氣虛久不生肌收口用豆豉餅及補中益氣湯培養元氣若用解熱攻毒及敷圍寒涼之劑則氣血受傷必成敗症矣

一小兒患此腫硬不赤旬餘矣面赤痿黃飲食少進此脾氣虛弱也先用異功散飲食漸進漫腫漸消乃用托裏散少加肉桂而潰又用八珍湯而斂

一小兒患此久不收斂四圍微黯瘡口黑色膿水清稀寒熱晡熱脉浮而數兩寸按之如無此陽氣虛而陰血弱也朝用補中益氣湯夕用異功散半載而愈

一小兒臀瘡潰而不斂面色時赤此稟肝腎陰虛也朝用八珍湯加五味子夕用加減八味丸諸症漸退又用托裏散間服而愈

一小兒臀瘡久不收斂肢體倦怠晡熱作渴此稟足

三陰虛也用五味異功散加減八味丸漸愈又用托裏散而斂

一小兒臀癰久不生肌面色痿黃仍欲敗毒以收斂余口脾主肌肉脾健則肉生遂朝用補中益氣湯夕用五味異功散及葱熨法脾氣壯肌肉生而愈

一小兒腫硬不消肉色不變此脾胃之氣虛怯不能運及患處耳朝用補中益氣湯夕用五味異功散以接虛怯之氣月餘而消其時同患是症外敷寒涼之藥內服犀角丸者無不受害

一小兒十五歲久不愈發熱體瘦面白噯氣恪服消

食清熱等藥余謂心火虛而脾氣弱也先用八味丸
為工佐以六君子湯補中益氣湯尋愈畢姻後臀間
患疽漫腫堅硬肉色不變手足時冷脉浮大按之微
細兩尺為甚先用八味丸料四劑又用十全大補湯
患處色正而消

內托羌活湯治尻腎生癰堅硬腫痛

羌活

黃栢

酒製各一錢

防風

藁本

當歸尾

各五分

肉桂

連翹

甘草

蒼朮

陳皮

各二分

黃芪

八分

右作二劑水一鍾入酒一杯煎空心服

仙方活命飲

托裏消毒散

托裏散 三方熱毒瘡瘍

神效解毒散 方見臂癰

加味八味丸 方見作湯

八珍湯 方見發熱不止

葱熨法 方見流注

腿癰

腿癰之症所主之經不同而所治之法亦異發於內

側者屬肝脾二經發於外側者屬膽胃二經漫腫堅
硬者元氣虛弱也用內補黃芪湯腫勢高熾者元氣
未虛也用內托柴胡黃芪湯外並用隔蒜熨法若瘀
血凝結而不消或不作膿者用活命飲血氣虛弱而
不能潰及不生肌肉者用托裏散此其梗槩云爾

一小兒內癰腫痛惡寒發熱此屬肝膽經分乃用神
效解毒散加柴胡白芷二劑漫腫頓消惟中央一塊
尚腫又二劑而成膿以托裏消毒散潰膿而愈

一小兒臍內側前臛患毒潰後腫硬色黯膿清不斂
面色青黃此脾虛肝旺兼寒邪蘊於患處也當先

氣爲主先用異功散加柴胡升麻及葱熨法脾氣漸復患處漸愈佐以八珍湯豆豉餅而愈

一 小兒腿內焮赤大腫發熱此血熱內鬱而欲爲膿耳當先殺其大勢用隔蒜灸法灼艾試蒜熱移患處二十餘炷痛始減再三十餘炷腫漸消又用仙方活命飲瘡頭出水而愈

一 小兒腿內側患此膿內潰惡心倦怠面色痿黃右關脉弦大按之微細此脾胃虛弱肝木所乘也先用六君升麻柴胡四劑元氣漸復乃佐以托裡散而愈

一 小兒腿外側痛腫肉色如故用托裏消毒散二劑

而腫始赤又四劑而腫赤亦退又六劑潰而膿出清
稀食少體倦用異功散加芎歸仍用托裏散補其元
氣而愈

一小兒漫腫堅硬肉色不變此陽氣虛而不能成膿
也用托裏散如聖餅腫起色赤用托裏消毒散而膿
成針之用八珍湯加肉桂漸愈因傷食吐瀉患處天
白飲食少思先用六君乾薑次用八珍湯及葱熨法
而愈

一小兒患此久不愈膿水清稀面色痿黃腹大青筋
此脾氣虛而肝所侮也朝用補中益氣湯夕用五味

異功散元氣稍復乃佐以四味肥兒丸及葱熨之法
兩月餘而愈

一 小兒腿外臃腫一塊服消毒之藥其腫益甚肢體
羸瘦飲食少思更加作痛余曰先腫而後痛者形傷
氣也先痛而後腫者氣傷形也當補接陽氣不信仍
投疎泄之藥後果歿機要云榮衛之氣充滿抑遏不
能行故閉塞氣血腐而爲癰者當泄之以奪盛熱之
氣若人飲食踈精神衰氣血弱肌肉消薄故榮衛之
氣短促而瀉滯故寒搏腠理閉鬱而爲癰者當補之
以接虛怯之氣信矣

四珠肥兒丸治肝脾不和患瘡瘍久不愈或兼疳症

腹脹作瀉或食積脾疳發熱瘦怯遍身生瘡

黃連炒

蕪荑

神麩

麥牙炒各等分

右為末水糊丸桐子大每服一二十九空心白滾

湯送下

附子餅治潰瘍氣虛不能收斂或風邪所襲氣血不

能運於瘡口以致不能收斂者用炮附子去皮臍

研末以唾津和為餅置瘡口上將艾壯於餅上灸

之每日灸數壯但令微熱勿至熱痛如餅灸乾用

唾津再和灸之以瘡口活潤為度

六君子湯治瘡瘍因脾氣虛弱不能生肌以致瘡口不斂若脾氣既充而瘡口不生肌肉者此寒邪所釀也更用豆豉餅或附子餅熨之

仙方活命飲

托裡消毒散 二方見熱毒瘡瘍

葱熨法

如聖餅 二方見流注

內托羗活湯 方見醫癰

五味異功散 方見用敗毒母之藥

附子餅 方見腹癰

十全大補湯 方見便癰

補中益氣湯 方見肌肉不生

八環湯 即四石四物

豆豉餅 方見腋癰

鶴膝風

鶴膝風者其腿漸細其膝愈龕狀如鶴膝是以名之
此因稟腎經不足外邪所乘而患之初則膝內作痛
外色不變伸屈艱難若一二月間燠腫色赤而作膿
者可治腫硬色白而不作膿者難治初起者用大

風湯爲主佐以益氣養榮湯膿成者用補中益氣湯爲主佐以大防風湯切勿用十宣流氣等藥若不潰不斂或發熱等症者須調補脾胃爲善否則必變敗症矣

一小兒九歲患此作痛用葱熨法及大防風湯腫起色赤用仙方活命飲補中益氣湯間服腫漸消又以獨活寄生湯與補中益氣湯間服二三日用葱熨一次至兩月餘而消

一小兒患此大潰不斂體倦食少口乾發熱日哺丸甚此脾氣虛甚也用補中益氣湯五劑以補元氣乃

用大防風湯一劑以治其瘡如是月餘諸症悉退遂
用十全大補湯佐以大防風湯而斂

一小兒患此潰而不斂不時寒熱小便赤澁此血氣
虛也用十全大補湯加麥門冬五味諸症填退乃去
桂令常服佐以和血定痛丸而愈

一女子左腿作痛服流氣飲之類左膝腫硬頭運吐
痰余謂此鶴膝風也其脉弦數而無力乃稟賦肝脾
腎三經之症此形氣病氣俱虛者當先調補脾胃為
主不信仍攻邪氣諸症蜂起余先用五味異功散加
升麻乾薑肉桂脾氣稍健又用異功散八珍湯而潰

却間服大防風湯地黃丸而痊
一小兒兩膝漸腫傳服皆消毒之藥足頸赤腫此稟
父腎氣不足用地黃丸八瓊湯而消若用流氣敗毒
等藥必致不起

大防風湯治鶴膝風腫痛不消或潰而不斂

附子炮

牛膝酒炒各一錢

白朮

羌活

人參

防風各二錢

杜仲去皮薑製

川芎

肉桂去皮

黃芪炒

熟地黃自製

芍藥炒各二錢五分

甘草一錢

右每服三五錢水煎仍量兒大小用之
益氣養榮湯治氣血虛弱四肢頸項等處患腫不開
十腫潰日久不斂俱宜服之

人參

茯苓

陳皮

貝母

香附

當歸

酒洗

川芎

黃芪

熟地黃

白製

芍藥

炒各一錢

甘草

炙

桔梗

各五分

白朮

炒

柴胡

六分

石每服二三錢薑水煎

獨活寄生湯

獨活

桑寄生

杜仲炒

細辛

牛膝酒炒
去土

秦艽

茯苓

白芍藥炒

桂心

川芎

防風

甘草

人參

熟地黃

當歸各等分

右每服二三錢水煎空心乳母同服

八珍湯方見發熱不止

十全大補湯方見便癰

補中益氣湯方見肌肉不生

和血定痛丸

葱熨法流注
二方見

終

保嬰撮要卷十四

續集

薛氏醫按

吳郡薛

已著

江都吳中珩校

肺癰肺痿

齊氏云肺癰肺痿因脾肺氣虛腠理不密外邪所乘
或母食辛辣厚味遺熱於兒或兒有病過於汗下因
亾津液虛火爍肺或服剋伐之藥虧損脾胃不能生
肺金其症惡風咳嗽鼻塞項強呼吸不利甚則四肢
微腫咳唾膿血若吐臭穢胸中隱痛脉數而實者為
肺癰咳唾涎沫脉數而虛者為肺痿惡寒喘嗽者寒

邪內蘊也小青龍湯咳唾膿穢者肺癰內潰也桔梗
湯竊謂前症若喘咳短氣者脾肺氣虛也五味異功
散咳唾膿痰左尺脉數而無力者腎氣虛也六味地
黃丸咳唾膿痰右關脉數而無力者脾氣虛也七珠
白朮散若發熱喘嗽唾膿不食者脾肺虛甚也難治
大要補脾肺滋腎水為善仍審五臟相勝乳
母七情後症做此

一小兒感冒停食吐瀉用疎利之劑咳嗽膿血此甲
氣復傷而變肺癰也用桔梗湯而愈後咳嗽吐血仍
用前藥佐以異功散而痊

一小兒停食服瀉藥而變肺癰余先用異功散以救

脾肺次用桔梗湯以治肺癰而痿

一 小兒停食服尅伐之藥唾痰腥氣面赤氣喘此元氣復傷而成肺癰也用桔梗湯膿痰頓止翌日喘甚此脾氣虛而不能生肺也用異功散加杏仁百合而愈後小便澁滯服八正散小便愈澁咳嗽吐痰面赤盜汗余謂肺氣虛熱前藥虧損真陰虛火爍肺金而然用異功散以補脾土地黃丸以滋腎水遂愈

一 小兒肺癰愈後咳嗽面色白或痿黃手足冷小便頻此因脾虛不能生金也服參蘇飲之類自汗盜汗昏憤發搐遺尿下氣手足如水面色青白此陽氣脫

而虛寒也用人參一兩乾薑二錢大棗五枚米泔煎
沸先灌一杯將熟又灌二盃連用二劑而甦更朝用
補中益氣湯夕用異功散而愈

一小兒十五歲因勞傷元氣而咳嗽誤用表散之劑
復傷肺氣成癰咳嗽膿血用桔梗湯為主佐以異功
散膿漸少專用異功散膿止而愈後因書課過勞自
汗時嗽服外感藥咳嗽益甚胸膈痞滿呼吸不利余
謂脾肺之氣虛甚而然用參芪補脾湯而痊
一小兒咳嗽服參蘇飲而益甚右寸關之脉浮散余
謂此風傷皮毛熱傷血脉血氣稽留蘊結於肺而成

癰也不信仍服表散唾咳膿血余曰此因肺虛不能攝氣脾虛不能攝涎耳當補脾土以生肺金又不信果歿

一小兒感冒咳嗽發散過度喘促不食痰中有血余用桔梗湯而愈後元氣未復大便似痢或用苓連枳實之類變慢脾風而卒

小青龍湯治傷風冒寒咳嗽喘急肺脹胸滿鼻塞流涕或乾嘔熱咳或作渴或作噎或小便不利或小

腹脹滿

此仲景之法審有是症用之及時殊有良驗

麻黃

去節

赤芍藥

半夏

各十錢

細辛

乾薑炮

甘草炙

桂枝各三錢

五味子半兩

附子二錢
浮不用

右每服二錢水煎

桔梗湯治咳嗽膿血腥穢已成癰症

桔梗炒

貝母去心

知母炒

桑白皮炒

枳殼各一錢

地骨皮

瓜蒌仁

薏苡仁

杏仁炒五分

當歸

黃芪炒各一錢

五味子炒

百合炒各一分

防已一錢

甜葶藶炒五分

右每服二三錢水煎

升麻湯治肺癰膿血穢臭胸乳皆痛

升麻

桔梗炒

薏苡仁

地榆

條芩炒

牡丹皮

芍藥炒

甘草各等分

右每服二三錢水煎

排膿散治肺癰此方排膿補肺

黃芪鹽水拌炒

白芷金針為輔人參

五味子炒研碎各等分

右為末每服一二錢蜜湯調下

射干湯治胃脘癰吐膿血

射干 去毛

梔子仁

赤茯苓

升麻

赤芍藥 一兩

白朮 五錢

右每服三五錢水煎入地黃汁少許再煎服

人參平肺散治心火尅肺金傳為肺癰咳嗽嘔痰

涎壅盛胸膈痞滿咽嗑不利

人參

陳皮

甘草

地骨皮

茯苓 各一錢

知母 炒七

五味子 炒

青皮

天門冬 去心四分

桑白皮 炒一錢

右每服二三錢

參芪補脾湯治肺癰脾氣虧損咳吐膿涎或中滿不

食必服此藥補脾土以生肺金否則不治

人參

白朮

各二錢

黃芪

炒二錢五分

茯苓

陳皮

當歸

各一錢

升麻

三分

麥門冬

七分

五味子

枹四分

桔梗

炒六分

甘草

炙五分

右作三服薑棗水煎

人參補肺湯治肺症咳喘短氣或腎水不足虛火上

炎痰涎壅盛或吐膿血發熱小便短澀

人參

黃芪

炒

白朮

茯苓

陳皮

當歸各一錢

山茱萸

乾山藥

五味子卷

麥門冬

去心

甘草炙

熟地黃自製

牡丹皮

各五分

右每服五錢水煎服

五味異功散

方見用敗毒之藥

七味白朮散

方見發熱不止

腸癰二

張仲景云腸癰之症因飲食積熱或母食辛熱之物所致小腹按之則痛小便數似淋腹急惡寒身皮甲

錯或自汗惡寒若脉遲緊未有膿者用仙方活命飲以解其毒脉洪數已有膿者服太乙膏以下其膿小腹疼痛小便不利者膿壅滯也牡丹皮散主之竊謂經云腸癰為病不可驚驚則腸斷而死故坐臥轉側之間須令徐緩時少飲薄粥及用八珍湯固其元氣靜養調理庶可保

一小兒小腹作痛小便如淋身皮甲錯此腸癰也膿已成用薏苡仁湯排膿散而痊

一小兒腹中作痛時或汗出身皮甲錯小便如淋脉滑數膿已成也用大黃湯一劑下膿甚多又用薏苡

仁湯而痊

一小兒小腹脹痛脉浮數按之遲緊不特畏寒大便
或欲去而不去小便頻而短此爲腸癰但膿未成耳
不信或作痢症恪用清熱分利之劑諸症蜂起而歿
一小兒停食腹脹痛二便不利服草果良薑之類更
加發熱作渴脉洪大而數余曰此飲食滯而蘊熱將
成膿矣前藥非其治也不信仍復之腹發赤暈大便
下膿而歿

一小兒患腸癰先用太乙膏後服牡丹皮散下膿而
愈後因跌腹內作痛遍身皆赤良久身黯而歿蓋腸

斷故也

大黃湯治腸癰小腹堅腫按之則痛肉色如常或炊赤微腫小便頻數汗出憎寒脉遲緊膿未成也急服之

大黃炒

朴硝各二錢

牡丹皮

瓜蒌仁

桃仁去皮尖各二錢

右每服二三錢水煎

薏苡仁湯治腸癰腹中痛煩躁不安或脹滿不食小便澀滯

便澀滯

薏苡仁

牡丹皮

桃仁各三兩

瓜蒌仁 四兩

右每服四錢水煎

桃仁湯治腸癰腹中痛煩躁不安壅痛大便閉澁亦
有繞臍生瘡者但用此藥無妨

桃仁

大黃 炒

牡丹皮

芒硝

犀角 銜

冬瓜仁 研各二錢

右水煎入犀角末服

牡丹皮散治腸癰腹濡而痛時下膿汁或下血

牡丹皮

人參

天麻

白茯苓

黃芪 炒

薏苡仁

桃仁

白芷炒

當歸

川芎

官桂

甘草各五分

木香二分

右每服三五錢

仙方活命飲方見熱毒瘡瘍

太乙膏方見跌撲外傷

八珍湯方見發熱不止

痔瘡三

痔瘡之症或因稟受胎毒或膏粱食積或母食炙博厚味所致腫痛者濕熱作痒者風熱便秘者火盛膿

潰者血熱濕熱加味槐花散風熱秦艽蒼木湯便秘
清焯湯膿潰黃芪散薰洗則葱湯槐角五倍子等藥
或真蒲黃以猪脂調敷如有兼變之症參各門治之
一小兒患痔赤腫作痛用黃連解毒湯而痛止又用
托裡清肝散及加味槐角丸而瘡愈

一小兒因飲食停滯發熱患痔大便不利腫痛寒熱
不時發搐此脾氣傷而肝乘之也先用保和丸末二
錢以柴胡山梔煎湯調服食消搐止又用四味肥兒
丸數服而愈

一小兒十二歲不戒厚味醇酒不時作痛或大便秘

結小便澀滯用龍膽瀉肝湯治之而安後飲燒酒前
症復發遍身色赤煩躁飲冷醋半鍾赤熱悉退腫痛
頓減

一小兒因乳母食炙煨之物肛門腫痛用清胃散母
子竝服子又服四味肥兒丸而愈後因乳母恚怒胸
脇作痛頻飲糖酒兒病復作發搐母先服加味小柴
胡湯二劑次服加味逍遙散兒服四味肥兒丸而愈
一小兒肛門腫痛大便不通服大黃之藥腫痛益甚
虛症竝作仍欲攻瘡余曰此因脾氣復傷而然也用
異功散加升麻柴胡爲主佐以加味槐角丸腫痛漸

退又用黃連解毒湯而出膿用秦艽蒼朮湯而瘡愈
一小兒肛門腫痛發熱飲水口鼻氣熱此脾肺經實
熱先用瀉黃散二服而熱退又用枳殼散而痛止用
金銀花散而腫痛消後母食膏粱兒患復作母用清
胃散而腫痛消

一小兒誤吞信石遍身發赤嘔吐煩渴肛門腫痛便
秘飲冷服冷米醋一鍾赤暈立消腫痛頓止又用黃
連解毒湯金銀花而痊

一小兒痔瘡不時腫痛服加味槐角丸而愈至十四
而復作發熱體倦肛門堅腫用地黃丸八瓊湯堅腫

漸消血氣漸愈或間止藥餌勞役不節諸症仍作用
前藥隨愈畢姻後肛門腫潰而串臀用補中湯地黃
丸臀間漸愈或用追蝕等藥堅核雖消痛傷元氣瘡
口不合余用八珍湯地黃丸兩月而斂後不守禁忌
又且攻毒以至屢發元氣日虛而歿古人云善服藥
不若善保養信夫

苦參散治痔瘡腫痛發熱

枳殼

麩炒

黃連

大黃

甘草

荆芥

苦參

赤芍藥

黃芩

右水煎服

加味槐花散治腸風下血痔瘡腫痛發熱便秘

槐花

熟地黄

白朮

青皮

荆芥穗

川芎

各二分

當歸身

升麻

各四分

枳殼

各五分

右水煎服

秦艽蒼朮湯治痔瘡大便堅硬小便頻數內熱作渴

秦艽

蒼朮

各五分

澤瀉

防風

桃仁

皂角子仁

炒

當歸尾

黃柏

山梔

炒各三分

右作二劑水煎服

清燥湯治大腸風熱血燥秘結不通痔瘡等症

生地黃

山梔

麻子仁

研各五分

川芎

羌活

黃柏

黃芩

郁李仁

芍藥

當歸尾

甘草

各四分

澤瀉

二分

一右水煎服

黃芪散治痔瘡并一切潰瘍虛弱發熱

茯苓

黃芪

炒

當歸

川芎

白芍藥

白芷

各五分

升麻

山梔

炒各二分

右水煎服

枳殼散治痔瘡腫痛或下血

枳殼

去穰
麩炒

槐花

荆芥

皂角子仁

炒

蝟皮

炙各等分

右為末每服一錢滾湯下作丸亦可

加味槐角丸治症同前

槐角

炒

枳殼

麩炒

當歸

黃芩

炒

皂角仁

炒

蝟皮

炙

秦艽

白芷

各等分

一右為末每服一二錢水煎服或蜜丸量兒大小服
又方治痔痛不可忍者

羊膽 一箇

冰片 五分

右以冰片為末羊膽塗之

丹石散治痔瘡熱痛如神

黃丹

滑石 各等分

右為末新汲水調塗日三五次

勝雪膏治痔瘡熱痛不可忍

片腦

鉛白霜 各等分

右為末好酒研成膏塗之隨手愈

又方用生括蕞根研如泥猪油調塗

黃連解毒湯 方見作痛不止

托裡清肝散 方見囊癰

四味肥兒丸 方見點骨癰

加味小柴胡湯 方見熱毒瘰癧

加味逍遙散 方見發熱不止

龍膽瀉肝湯 方見疔瘡

下疳陰痿 四

下疳陰痿皆屬肝火濕熱或稟賦肝經陰虛腫痛發熱者肝火濕熱也先用加味小柴胡湯再用龍膽瀉

肝湯腫痛便赤者肝火陰虛也用加味道遙散加龍
膽草生地黃潰而腫痛不消者小柴胡湯加芍歸黃
芪潰而腫痛已消用四物湯加牡丹皮柴胡蓋肝屬
木得雨露則森茂遇酷日則萎軟若誤謂虛寒投以
熱劑輕則囊莖生瘡重則腐而難斂皆宜滋腎水生
肝木清肝火故云肝氣熱則莖痿宗筋弛縱陰莖腫
脹或出白液或痒痛衰急筋縮挺縱不收或精出便
下此名筋疝俱肝火也

黃宗伯季子初生時母弃於水逾日不灰復收之遂
成喘嗽頷腋臂股各結塊核潰而色紫悞觸之痛徹

於心服辛溫化毒等劑不應時已弱冠予曰初生喘嗽者形寒傷肺也既長而喘嗽者肝火刑肺也故結核俱在肝膽部分始用補中益氣湯後用九味蘆薈丸不月諸症悉愈此稟母之肝火而患也

一小兒下疳潰爛發熱作渴日晡尤甚此肝疳而脾氣虛也用補中益氣湯後用九味蘆薈丸諸症悉愈

一小兒二歲莖痿濕痒時出白津余以爲肝火不信或與溫補腎經後陰囊焮腫莖中作痛余用龍膽瀉肝湯六味地黃丸而痊

一小兒睪丸作痛小便赤澁寒熱作嘔此肝火濕熱

不利用小柴胡湯加山梔車前子茯苓而愈子也

一 小兒羸丸腫痛小便黃澁寒熱作渴此肝火所致

用 小柴胡湯加山梔車前子并九味蘆薈丸間服而

消

一 小兒陰莖腫痛腹內一塊或作痛或上攻小便不

調 此稟肝火為患用龍膽瀉肝湯九味蘆薈丸愈後

形 氣消爍發熱作渴此肝火制脾土而然也用益氣

湯蘆薈丸異功散而安

一 小兒陰莖作痒搔破出水小便赤澁此稟肝腎陰

虛 火動用龍膽瀉肝湯清肝經濕熱佐以地黃丸補

腎肝陰虛而愈後乳母惱怒小便澁滯兩肋腫痛兒
陰復痒驚搐困倦用異功散以補脾土用地黃丸以
滋腎肝而愈

一小兒十五歲患下疳久不愈形氣骨立不時寒熱
小便不調飲食少思此稟肝疳虛羸也朝用益氣湯
以培胃氣夕用地黃丸以滋腎水爲主佐以九味蘆
薈丸治疳而痊

一女子十五歲面青善怒體瘦作渴天癸未至不時
寒熱口舌生瘡後患陰瘡濕痒無寐善驚此稟肝脾
虛羸之變症也當先救脾氣遂朝用補中益氣湯冬

用加味歸脾湯諸症漸愈却佐以九味蘆薈丸而痊
一女于十四歲稟肝經濕熱肌體消瘦寒熱如瘧下
部患瘡先用加味小柴胡湯寒熱頓退但痛熱少食
用加味逍遙散爲主以九味蘆薈丸爲佐而愈出嫁
後前症仍作另用雜藥瘡口翻出如菌余用龍膽瀉
肝湯加味逍遙散而愈

一小兒十五歲患下疳書課過勞卽寒熱頭痛形氣
殊倦腿足疲軟左關脉洪數左尺脉洪數而無力余
謂此稟肝腎陰虛兼飲食勞役之症也宜先調補胃
氣以滋化源不信或以爲陰虛濕熱下流恪服四苓

四物之類諸症益甚余曰陰虛謂脾經虛也脾為至陰以丁火為母虛則宜補丁火以生巳土腎屬水以辛金為母腎虛則宜補辛金生癸水也今因脾經陽弱而陰虛反用沉寒之劑復傷陽氣以絕化生之源欲保其不危難矣果歿

龍膽瀉肝湯治肝經濕熱不利下部生瘡兩拘腫疔或腹中作痛小便澀滯等症

龍膽草

酒拌炒黃

澤瀉

車前子

炒

木通

生地黃

酒拌

當歸

酒拌

山梔

黃芩

炒

甘草

各二分

右水煎食前服

加味小柴胡湯

即小柴胡加山梔牡丹皮

治肝膽經有熱下部濕

瘡寒熱晡熱潮熱等症

方見熱毒溲瀝

六味丸治肝腎陰虛下部生瘡或發熱作渴小便頻

數或腎水不足而不能生肝木致血燥筋攣頷項

肢節等處結核或潰而不能收斂或肝腎虛弱發

熱盜汗肢體消瘦小便赤澁尿血下血或大小便

牽痛氣短痰嗽吐血眩暈耳聾口燥齒痛失音腰

腿疲軟此皆稟賦不足也

方見作渴不止

敷藥必効散治下疳腐潰作痛

黃連

黃栢

龍膽草

各一兩

輕粉 五分

右為末油調搽入片腦更効若用當歸膏調傅尤

佳

如聖散治下疳腐久不愈

五倍子 二錢

片腦 一錢

黃連 五錢

蘆甘石 煨三錢

右各為末乾敷毒未盡者加黃連末 三錢

兀味蘆薈丸 方見喉痺

加味清胃散 方見熱毒口瘡

聖愈湯

方見出血不止

補中益氣湯

方見肌肉不生

八珍湯

方見發熱不止

加味歸脾湯

方見臨瀉

四君子湯

方見腹癰

仙方活命飲

托裏消毒散

一方見熱毒瘡瘍

便癰

五附謂兩拗小腹兩邊拗中患之

便癰因肝火肝疳或稟肝經熱毒若初起腫硬作痛者先用龍膽瀉肝湯一二劑腫痛不減用仙方活命

飲二劑五七日不減腫尚硬亦用前二藥各一劑如
不消或更痛欲成膿也用活命飲一劑却用托裡消
毒散加柴胡山梔一二劑若膿已成而不潰者血氣
虛也用托裡消毒一二劑膿已潰而痛不止者毒氣
不解也用活命飲一劑若膿已出而反痛者益氣虛
也用內補黃芪湯膿已潰而發熱煩躁者氣虛血脫
也用當歸補血湯膿已潰而惡寒發熱者血氣俱虛
也用十全大補湯膿已潰而惡寒者元氣虛也用補
中益氣湯膿已潰而不生肌者脾氣虛也用六君子
湯若稟賦怯弱或因以食勞倦而為患者但用補中

益氣湯加射干自消
設使不分經絡不別虛實槩行
攻代虧損氣血則輕
者難治重者必變瘵症甚至不
起

一小兒腫痛色赤寒
熱似瘧小便不通此肝經濕熱
用龍膽瀉肝湯一劑
小便清利寒熱頓除又用加味
逍遙散加龍膽草一
劑腫痛悉退而愈

一小兒患此腫硬作
痛小便澁滯先用龍膽瀉肝湯

小便頓利又用活命
飲一劑而消後腹腫赤作痛此

欲作膿也先用活命
飲二劑殺其大勢却用托裡消

毒散加柴胡山梔
一劑以指按之腫隨指復起此膿

已成也用托裡散
二劑翌日針之膿出腫消再用托
裡散而愈

一小兒患此服大棗等藥瀉而腸鳴腹腫硬痛少食
此脾胃復傷而變也也用五味異功散加升麻柴胡
木香飲食漸進乃去木香加黃芪當歸數劑而膿成
又用托裡散加皂角刺而膿潰乃去皂角刺信用參
芪而愈

一小兒瘡勢已成用消毒之藥其腫散漫自汗發熱
惡寒少食此氣血虛甚也用大補湯四劑針之膿出
腫消却用托裡散八瓊湯間服而愈

一小兒膿成不潰誤用大黃之類以下膿泄瀉不止
腫硬色白腹痛欲嘔手足竝冷此脾氣虛而復傷也
用異功散加升麻薑桂四劑乃去薑桂加歸芪二十
餘劑膿潰而愈

一小兒潰後咬牙呵欠尋衣捨物此肝經氣血虛也
先用八瓊湯加釣藤鈎五味子諸症頓愈又用托裡
散及八瓊湯而痊

一小兒潰後驚悸發搐呵欠咬牙此心肝二經氣血
俱虛也先用補心湯安神丸虛症尋愈再用八瓊湯
托裡散肌肉漸生却用地黃丸而瘡口斂

一小兒患此久不愈頭重胸滿飲食少思此稟脾胃
虛弱也先用補中益氣湯加蔓荊子諸症尋愈次用
八瓊湯佐以五味異功散月餘瘡口漸斂仍用十全
大補湯而痊

一小兒十五歲稟賦虛弱因勞役過度患此寒熱如
瘧用補中益氣湯將愈惑於人言誤服大黃之藥吐
瀉大作手足厥冷寒熱尤甚余用六君子加薑桂諸
症稍愈但赤腫不消此欲作膿也又數劑後朝用益
氣湯夕用大補湯五十餘劑而痊

一小兒潰後腫硬肌肉不生瘡口不斂余欲滋其化

源以生肝血不從仍伐肝清熱以致元氣日虛惡症
蜂起而歿夫肺者腎之母脾者肺之母今既不滋肺
腎以生肝木又傷脾土以絕肺腎之化源其不歿者
鮮矣

一小兒十四歲每飲食勞倦則惡寒發熱兩拗患腫
余用益氣湯而愈彼惑於人言乃服大黃之類發搐
口噤手足竝冷良久少甦余用大料益氣湯數劑而
安又二十餘劑而愈

一小兒兩拗患腫小便澄白肢體消瘦發熱眼劄此
稟肝火之症用龍膽瀉肝湯爲主四味肥兒丸爲佐

各數服腫熱漸退改用四味肥兒丸爲主龍膽瀉肝湯爲佐又各數服將愈及用地黃丸而痊

一小兒兩拗腫痛小便不利或赤白濁此係肝火熾而脾氣傷也朝用補中益氣湯夕用地黃丸各數劑而愈後因過勞盜汗發熱兩拗仍腫用前藥佐以地黃丸而愈

一小兒每勞則兩拗腫痛小便白濁夜間發熱此稟肝火脾虛而元氣下陷也用補中益氣湯清心蓮子飲後患下疳用四味肥兒丸加味逍遙散而愈

一小兒兩拗腫痛小便赤澁或兼澄白此肝脾疳症

先用九味蘆薈丸數服諸症漸退次用四味肥兒丸
二十餘服而愈

一女子兩拗腫痛小腹作痒小便赤澀發熱哺熱月
經不調先用加味小柴胡湯四劑腫漸消次用加味
逍遙散諸症漸愈佐以四味肥兒丸而痊

一小兒十四歲每飲食勞倦隨患寒熱兩拗腫痛服
大黃之類發搐口噤手足竝冷良久少甦余用大劑
補中益氣湯數劑而安又二十餘劑而腫痛愈

一小兒患此腫硬色白形氣俱虛余謂常補脾胃則
腫硬自消不信乃以銅器壓之及傳山藥內服伐肝

之藥遂致不起夫銅金也山藥屬金金能制木肝經有餘之症當用之今不足之症宜滋腎水而反尅之不起宜矣治者不可不察

一小兒患此腫硬作痛自汗盜汗體倦少食此稟虛弱也非補元氣不能腐化成膿非補脾胃不能生肌斂口被嫌迂緩另用萬金散毒從大便出而內消一服咽下連瀉數次皆飲食再服瀉下鮮血遍身皆青余曰此陰陽二絡俱傷也辭不治經云陽絡傷則血外溢陰絡傷則血內溢信然

一小兒十四歲功課過度夢遺惡寒拗間腫痛余用

大劑益氣湯而愈彼誤用攻毒之劑患便癰腫硬作
瘡肉色不變余用益氣湯及大補湯而愈畢姻後復
患此服穿山甲大黃之類元氣益虛腫硬如石外傳
大黃朴硝虛症蜂起余用葱熨法豆豉餅及前二湯
雖愈終以不謹變瘵症而歿

清心蓮子飲治心腎虛熱患便癰發熱口乾小便白
濁夜則安晝則發熱

黃芩

炒

麥門冬

地骨皮

車前子

炒

甘草

各三錢半

石蓮肉

茯苓

黃芪

炒

柴胡

人參 各二錢

右每服五錢水煎

秘旨安神丸治稟心脾氣血虛弱發熱不安瘡不生

肌睡中掣驚悸

人參 半夏 湯泡

酸棗仁

茯神 各一錢 當歸 酒洗

橘紅

赤芍藥 五味子 五粒

甘草 炙三錢

右為末薑汁糊丸艾實大每服一丸薑湯下

補中益氣湯治稟元氣虛弱因勞而拘中作痛或息

便癱寒熱口乾作渴宜此湯加射干主之如寒熱

已退而腫不消此欲作膿也宜用十全大補湯

肌肉不生

✓十全大補湯治稟元氣虛弱因勞患便癰或拗中作

痛服補中益氣湯寒熱退而腫不散此血氣虛

而不能成膿也宜服此湯已成而不能潰或已潰

而不能生肌或寒熱不止自汗盜汗膿清不斂者

但服此藥則元氣自復諸症自愈

白茯苓

人參

當歸

白朮炒

黃芪炒

川芎

肉桂去皮

白芍炒

熟地黃

自製

甘草炒各等分

右每服三五錢薑棗水前服

內補黃芪湯方見發熱不止

龍膽瀉肝湯方見下疳瘡

九味蘆薈丸方見喉痺

四味肥兒丸方見點骨癰

補心湯方見胎毒瘡瘍

六味地黃丸方見作渴不止

加味小柴胡湯方見熱毒瘡癰

囊癰大疔胡陰囊患癰

囊癰屬肝經濕熱或之未胎肝熱所致初起腫痛小便
赤澁者濕熱壅滯也先用龍膽瀉肝湯如不消用仙
方活命飲若腫痛數日不止欲作膿也用托裡消毒
散若腫未潰而小便不利者毒氣壅滯也當分利之
膿已成而小便不利毒氣未解也當針泄之膿出而
反痛者氣血虛也當補血之若元氣無虧雖陰囊悉
潰畢丸懸露亦不爲害若乳母恚怒令兒患此者加
味逍遙散肝經氣血虛者八珍散加味柴胡山梔俱
加滿蘆子母並服

一小兒小便澁滯腫痛寒熱此肝經濕熱也用龍膽

瀉肝湯而消但內熱倦怠此兼脾氣虛弱也用四君子加柴胡山梔芎歸而愈

一小兒腫痛寒熱服尅伐之藥不能成膿用托裡清肝散而膿潰用托裡散而瘡斂後寒熱如瘡小兒閉塞用小柴胡湯加山梔結胸膽草車前子而愈

一小兒患此大潰痛甚煩躁飲冷此餘毒尚在與活命飲二劑腫痛頓退又用四君子柴胡山梔四劑諸症悉退及托裡散而痊

一小兒陰囊赤腫作痛紅刺而膿出頓安忽發熱作渴此邪氣去而真氣虛也用小聖愈湯及八珍柴胡山梔

將愈因乳母恚怒復作用加味逍遙散加漏蘆與母服其兒頓愈

一小兒陰囊每患赤腫必因其母恚怒及飲酒而發余審其因怒用加味逍遙散加漏蘆飲酒用加味清胃散加乾葛神麩與母服之其兒隨愈

一小兒陰腫小便赤澁此稟肝經有熱也用加味小柴胡加漏蘆與母服子日飲數滴四劑而愈

一小兒患此腫硬不消發熱作痛大便不實飲食無味此消導過多而脾胃傷也先用異功散數劑元氣漸復又用托裡散加柴胡山梔而膿成針之膿出發

熱惡寒此血氣俱虛也用大補湯加柴胡山梔寒熱
頓止又數劑而漸愈後因勞發熱腫痛用益氣湯托
裡散瘡口漸斂而愈

一小兒十六歲患此膿清脯熱遺精盜汗此稟元氣
虛甚也用大補湯地黃九料各二十餘劑元氣稍復
又各三十餘劑汗止熱退犯房事患處頓黯昏憤吃
逆手足竝冷此脾氣虛寒之惡症用獨參湯四劑而
甦用大補湯加乾薑四分陽氣漸復乃去乾薑又二
十餘劑而痊

二 小兒患此潰而腫硬不消服敗毒散傳寒涼藥肌

肉不生瘡口開張膿清色黯自汗余謂非補脾則肌
肉不生彼欲速効乃外用生肌散反助其邪致生瘡
肉填塞瘡口半載不愈余用異功散加當歸黃芪三
十餘劑又用托裡散隔蒜灸而愈

一小兒囊癰出血久不愈左頰色青赤此心肝二經
風熱而血不歸經也先用加味道遙散六味地黃丸
清肝熱滋腎水而血止用托裡散而瘡愈

一小兒患前症膿清發熱久而不斂左頰青兩頰赤
余謂稟肝腎陰虛而兩位青赤脾胃氣虛而膿清不
斂當補足三陰爲善不悟泛用雜藥後果歿

一小兒患前症久不愈面色皎白左頰爲甚余謂前
症屬肝木面白屬肺金左頰屬肝經乃金來尅木爲
賊邪况小便如淋乃肝腎二經氣絕也辭不治後果
歿於金旺之日蓋肝爲腎之子腎爲肝之母設預爲
調補腎水必不致於危也

托裡清肝散

人參

黃芪炒

當歸

川芎

芍藥炒

白朮

茯苓

金銀花

白芷炒

甘草炙

連翹

柴胡各七

山梔各四分

右每服二三錢水煎

錢氏蚯蚓散治腎子腫硬先用葱椒湯煎洗次以乾
蚯蚓糞津唾調敷須避風冷濕地

世傳治小兒陰囊腫大用甘草煎濃汁調蚯蚓糞塗
之立効

山藥膏治兩肋及小腹腫痛或痒用山藥研爛類傳
患處乾則易之

補中益氣湯方見肌肉不生

異功散方見用敗毒之藥

八珠湯

加味逍遙散

二方見發熱不止

活命飲

托裡散

一方見熱毒瘡瘍

加味小柴胡湯

一方見熱毒瘰癧

聖愈湯

方見出血不止

十全大補湯

方見便癰

加味清胃散

四君子湯

二方見腹臍

地黃丸

方見作渴不止

足指凍瘡

附耳凍瘡

足指凍瘡因受稟虛怯故寒邪易乘氣血凝滯久而
不愈則潰爛成瘡治法須壯脾胃溫氣血則死肉自
潰良肉自生若骨脫筋連者宜急剪去否則毒延躑
躑而死蓋肢末之處氣血難到又爲外邪遏絕則氣
血不能運行若用湯盪火烘其肉卽死而不仁至春
必潰腐脫落元氣無虧雖患無害如外敷寒藥內服
消毒之劑則元氣受傷必成敗症凡初凍時熱手頻
熨之爲妙北方凍耳若誤以手觸之其耳卽落大寒
能裂膚墮指然信矣

一女子數歲值嚴寒北土因失所恃而足受冷侍婢用熱湯泡之至春月房中穢氣其父覺之脫襪方見十指俱爛但未墮耳予用托裏之劑助其陽氣潰脫以保其生

一小兒仲冬嚴寒兩耳受凍不知痛痒令人以熱手徐徐熨內用溫補脾氣之劑及敷白藪散而愈

一小兒七歲冬間足指凍痛用燒湯浸洗至春潰脫瘡口不斂足趺腫痛余謂此元氣虛弱須補胃氣以生肌肉不信乃用寒涼消毒之劑腫消黑色自以爲愈余曰此脾胃虛極元氣不能運及患處也後兩腿

羸細而歿

一小兒撲傷足跌少許遂成凍瘡作痛不止用火烘
之肉死至春足脫膿水淋漓不能收斂而歿此症若
能調養脾胃使元氣不傷則肌肉自生豈至於死哉
白藪散

白藪 一兩

黃栢 炒黑 五錢

右為末乾搽患處

湯火瘡 八

湯火之症若發熱作渴小便赤澁者內熱也用四物
加山梔連翹甘草若肉未死而作痛者熱毒也用四

君加芎歸山梔連翹若肉已死而不潰者氣血虛也
用四君加當歸黃芪外傳當歸膏或栢葉末蠟油調
搽至白色其肉自生若因烟薰將死者以生蘿蔔汁
灌之卽甦若飲食後被湯火所傷發熱腹脹惡食發
搐變症者當參食積驚搐門治之

一小兒火傷兩臂焮痛大便不利小便赤澁此火毒
蓄於下焦也用生地黃當歸芍藥木通山梔赤茯苓
生甘草一劑二便調和而痛止更以四物加山梔參
芪白芷甘草而壞肉腐又數劑而新肉生
一小兒火傷足脛專用敗毒之劑膿水淋漓用補腫

脹此脾虛下陷也用補中益氣湯及八瓊湯而愈
一女子沸湯傷胸兩月不斂脉洪大而虛發熱作渴
此陰虛火毒所乘用四物加柴胡丹皮熱渴頓止用
加味逍遙散腐肉去而新肉生

一女子被烟薰痰氣上壅不省人事用蘿蔔汁灌之
而甦但體倦欲睡仍令噙蘿蔔汁乃服六君子湯加
桔梗山梔而安傷輕者以蘿蔔搗汁飲之亦可

一小兒火傷臀間誤用生肌散陰囊潰脫久而不愈
此助其藥毒而然也余用當歸膏及四君子加芎歸
旬餘肉生而痊

一小兒火傷其足用泠水浸之腫痛益甚服敗毒藥
死肉不潰此脾胃氣傷而血滯也用六君子加芎歸
而愈後因勞役寒熱以八珍散加升麻柴胡白芷而
痊

一小兒火傷腿用寒涼之藥久不愈腿細筋攣食少
嘔熱此因生肌藥助其邪寒涼損其胃也用益氣湯
當歸膏不月而斂

一小兒熱湯傷足久不愈膿水清稀口乾足熱患處
腫黯晡熱盜汗肢體骨立此稟腎氣虛弱寒藥傷脾
而然用益氣湯地黃丸三月餘佐以托裡散如聖餅

而愈

一小兒沸湯傷腿搽藥結痂難於屈伸痛不可忍用四物加白朮茯苓及當歸膏而愈

一小兒沸湯所傷胸腹皆潰久而不愈喜脈弱按之而有力蓋脾主肌肉當調補脾胃為主外敷之藥當緩不信恪用敷貼之而效

一小兒湯傷脛潰而色赤如赭日晡熱甚右關脈浮而數按之則滋此肝木乘脾土血虛而然耳乃外傳內服皆於攻毒後果效

神效當歸膏治湯火等瘡不問已潰未潰肉雖傷而

未壞者用之自愈肉已死者用之自潰新肉易生
搽至肉色漸白其毒始盡生肌最速蓋當歸生地
黃麻油二蠟皆主生肌止痛補血續筋與新肉相
宜此方余已刊行治者多驗

當歸

生地黃

各一兩

麻油

四兩

黃蠟

一兩如白者
止用五錢

右先將當歸地黃入油煎枯去粗將蠟融化候冷
攪勻即成膏矣用塗患處將細紙蓋之發背癰疽
杖瘡潰爛用之尤効凡死肉潰爛將脫止有些頭
相連者宜用利刀剪去蓋死肉有毒去遲則傷新

肉矣。死肉去盡，尤宜速貼，蓋新肉最畏風寒，不可忽也。

乳香定痛散治傷損及一切瘡瘍潰爛疼痛

乳香

沒藥

各五錢

滑石

一兩

冰片

一錢

右為細末，搽患處，痛即止，甚效。

猪蹄湯治一切癰疽杖瘡潰爛消腫毒去惡肉，潤瘡

口

白芷

黃芩

當歸

羌活

赤芍藥

蜂房

多蜂兒者為佳

生甘草

文口五錢

右用猪蹄一隻水四五碗煮熟去油粗取清湯
煎藥數沸去粗溫洗隨用膏藥貼之

四物湯

方見胸癰

六君子湯

方見腹癰

如聖餅

方見流注

翻花瘡

丸

翻花之症由瘡瘍潰後風寒蘼於患處或肝火血燥
生風或乳母肝火生風必致瘡口贅肉突出如齒或
如指大小長短不同如風邪乘蘼者先用補中益氣

湯加防風天麻風寒凝滯者先用十宣散加羌活天
麻兒肝火生風者先用加味逍遙散加羌活天麻毋
肝火生風者先用加味小柴胡湯次用加味逍遙散
加漏蘆天麻其風邪所乘外用豆豉餅風寒所凝外
用葱熨法更用太乙膏護瘡口突肉不消更以藜蘆
膏塗之如瘡口不斂而惡寒發熱者元氣虛也用補
中益氣湯晡熱內熱者氣血俱虛也用八珍湯倍加
參芪食少難化者脾氣虛也用五味異功散若飲食
少思大便不調或肌肉消瘦小便澄白者此兼肝脾
疝症也用九味蘆薈丸以清肝火用五味異功散以

補脾氣外仍用熨治之法

一小兒腿外賺患癰瘡口陷而色黑翻出如菌久而
不愈此元氣虛弱寒邪滯於患處用十宣散加羌活
天麻及附子餅患處漸赤改用葱熨法而漸白此寒
邪去而元氣虛真色發見也用補中益氣湯及藜蘆
膏而痊

一小兒臂患癰瘡口色白肉突翻或如菌或如指用
追蝕之藥去而復作余謂肝肺氣虛先用益氣湯再
用托裡散藜蘆膏而愈

一女子脇間患癰瘡口色赤翻出肉如菌寒熱如瘧

此肝經血燥生風所致先用加味逍遙散後用加味
小柴胡湯及藜蘆膏而愈

一小兒患此瘡口色赤腫痛時出血膿此肝經血分
有熱用加味逍遙散加生地黃四劑却以生地易熟
地月餘血熱漸退又用八寶湯藜蘆膏而突肉減用
十全大補湯元氣復又用托裡散而瘡瘥

一小兒患天蛇毒膿出後指腫大色黯瘡口齖肉手
背漫腫而不赤飲食少思大便不實憎寒發熱惟用
敗毒行氣之藥余謂此脾胃虛弱不能消化飲食生
長肌肉外禦風邪非瘡毒使然也朝用益氣湯夕用

異功散兩月餘諸症漸愈後因飲食過度吐瀉患處
不紅活出清水用異功散葱熨法藜蘆膏而愈

一女子臂癰潰後瘡口突肉如菌用毒藥蝕之突肉
益甚面青寒熱經候不調此肝經血燥而生風脾氣
虛而不能生肌耳先用加味逍遙散五味異功散兩
月餘却用地黃丸托裡散而愈

一小兒患前症用藥腐去瘡口不斂朝惡寒暮發熱
余謂因氣血俱虛而然也法當調補脾胃則氣血自
生瘡口自斂不悟仍攻其瘡而歿

一女子十五歲患前症腐去而復生面色青而或赤

余謂此肝膽二經風火妄動蓋肝血為陰為水肝氣為陽為火空生腎水滋肝血使火自息而風自滅不信乃用祛風之劑致血燥妄行瘡口出血不止而成黎蘆膏治瘡口齖凸起或出二三寸肉者

黎蘆不拘多少

右為末以生豬脂搗和搽凸齖肉上

八珍湯

加味逍遙散二方見發熱不止

補中益氣湯方見肌肉不生

托裡散方見熱毒瘡瘍

十全大補湯

方見便癰

五味異功散

方見敗毒之藥

地黃丸

方見傳薄不止

豆豉餅

葱熨法

二方見流注

多骨疽 十

多骨疽由瘡瘍久潰脾胃虧損氣血不能營於患處邪氣陷襲久則筋爛骨腐故骨脫出非稟胎所有也當補脾胃壯元氣內用大補湯地黃丸外以附子餅葱熨法祛散寒邪補接元氣則骨自脫瘡自斂若用

尅伐之劑復傷真氣鮮有不危嬰兒患之當調補乳
母外用葱熨以歲月除之尤不可用追蝕之藥

一小兒足內患之日流清膿惡寒發熱大便去而不
了皆元氣虛而下陷也先用補中益氣湯加乾薑肉
桂諸症漸復乃用十全大補湯及如聖餅出碎骨而
愈

一小兒臂患之時出清膿惡寒發熱此元氣虛也朝
用補中益氣湯夕用四君歸芪半載常出細骨一塊
又用六味丸而愈

一小兒患之目睛白多飲食難化手足竝冷此稟命

門火衰而脾胃虛寒也先用八味丸異功散如聖餅
出碎骨乃用六味丸大補湯而愈若攻瘡邪不固元
氣必不活矣

一小兒十四歲閃足腕間用敗毒之劑腫硬色黑余
謂此元氣虛而外寒凝滯也用回陽膏六君肉桂十
餘劑腫黯漸消又用中和膏托裡散餘毒漸軟又佐
以大補湯針之出清膿甚多卽惡寒發熱此陽隨陰
散而氣虛也用六君加肉桂參芪各二錢寒熱頓止
却用八珍湯托裡散豆豉餅而愈

一小兒足跗腫硬肉色不變形氣倦怠外傳內服皆

敗毒耗氣之藥全謂經云形傷痛氣傷腫乃稟賦

三陰虛羸之症也當滋補元氣若行攻伐虛虛之禍

不免矣彼以為迂仍用前藥足跗變黯腫至脚腕余

用大補湯異功散各五十劑以調補脾胃及葱熨患

處祛散寒邪補接陽氣漫腫漸消瘡肉赤色旬日而

潰此元氣漸復之善症也然固元氣充實瘀肉可腐

新肉可生又惑於速効之說傳追蝕生肌之藥患處

復黯七惡並臻而歿

十全大補湯 方見腹癰

補中益氣湯 方見肌肉不生

八珍湯

方見發熱不止

托裡散

方見熱毒瘡瘍

如聖餅

葱熨法

豆豉餅

三方見流注

冲和膏

一名陰陽散
方見寒涼之藥

八味丸

即六味地黃丸加肉桂
附子各一兩方見作湯

漏瘡

漏瘡之症因稟氣血不足或久病血氣虛弱或兒肝脾食積內熱不能生肌或乳母七情不和脾氣不能

收斂當審其所因調補元氣佐以如聖餅蕊熨之
爲善若用流氣破血追蝕等藥反爲敗症矣餘當參
各門主之

一小兒患在臂間腫硬不消面色痿黃膿水清稀此
元氣虧損之症用八珍湯爲主六君子湯爲佐漸愈
因飲食失節惡寒發熱用六君子加升麻柴胡而安
用益氣湯加異功散而斂
一小兒腿內側患之寒熱發渴此肝脾二經氣血虛
症也蓋胃爲五臟之本先用五味異功散加升麻柴
胡月餘胃氣始復乃用地黃丸補腎水以生肝血而

愈

一小兒臂間漫腫按之至肉方痛肉色不變形體消瘦而口多白余謂此稟腎經虛症當補脾肺以滋化源反用寒涼剋伐之藥脾氣大虛患處肉死又用追蝕之藥灰肉雖去瘡口不斂而歿

一小兒四歲尚解顛余用地黃丸而顛蓋至十六顛間腫硬發熱唾痰余謂屬腎經氣不足水泛而為痰氣傷而為腫不信反用火針敗毒破而出水余曰腎主骨骨而為癱元氣虧敗余何能為後果歿惜哉

一小兒患在臂外側瘡口開張腫硬色黯發熱惡

手足時冷此少陽經陽氣虛寒不能生肌收斂也
助胃氣不信仍行攻瘡而歿

一小兒十五歲足跟患之二年不愈日出清膿數滴
余謂稟腎氣虛弱也不信畢姻後腫硬寒熱仍用攻
伐之藥而歿

如聖餅

葱熨法 二方見流注

八珍湯 方見發熱不止

六君子湯 方見腸癰

補中益氣湯 方見肌肉不生

六味地黃丸

方見作渴不止

五癰 十二

經云肝主筋心主血脾主肉肺主氣腎主骨故云肝
為筋癰心為血癰脾為肉癰肺為氣癰腎為骨癰小
兒患之多因稟賦不足乳母七情起居飲食失調致
兒五臟不和內火沸騰血凝氣滯也夫癰者留也隨
氣凝滯臟腑受傷氣血不和所致五癰之外更有脂
癰粉癰虱癰蟲癰髮癰之類若行氣破血或傳寒涼
追蝕之藥或用蛛絲纏荒花線等法以治其外則悞

矣

一小兒因乳母鬱怒臂前腫硬皮色如常日出膿水乃脾經之虛症也用加味歸脾湯如聖餅三月餘腫漸消後因母怒發熱兒患處復腫用加味逍遙散母服二十餘劑兒日服杯許赤腫漸退仍以前藥久服而愈

一小兒頭後患之久不斂目睛多白此稟腎虛之症母子並服六味丸補中湯外以六味丸料加鹿茸作餅熱熨患處每日一次而斂

一女子腿外腫一瘤寸許色赤破而血逆漂甚多發熱作渴先用當歸補血湯渴熱漸愈又用加味逍遙

散瘡口尋愈

一小兒落草大腿外股如指尖一塊肉色如常按之不痛至數月誤觸破出如粉漿內股炊痛寒熱如瘡手足抽搐如急驚狀此膿水出多氣血虛而內生風也先用異功散加釣藤鈎二劑又用八珍湯加釣藤鈎而安用托裡散而痊

一小兒二歲頃間自分娩有一核余謂但調治乳母其兒自愈彼欲速効外塗牡礪硝黃之類內服海藻逢木之類脾胃復傷而歿

一小兒九歲頃間患之余謂稟腎肝血燥所致當滋

水生木不信另用藥破之膿水淋漓仍服散堅之藥而破

一女子腿前腫一小瘤作痒搔破出蟲如蚊而飛去寒熱如瘧乃肝經之症即虱瘤之類用加味逍遙散而愈又有一種髮瘤破開有髮屬腎經之症也

加味歸脾湯

方見腹癰

地黃丸

方見作渴不止

加味逍遙散

八珍湯

方見發熱不止

托裡散

方見熱毒瘡瘍

卒

醫要最要卷七

七

補中益氣湯 方見肌肉不生

五味異功散 方見敗毒之藥

如聖餅 方見流注

批黃武

理和

而愈又有一靈

寒燥收

一文

而

木主木不